



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Bona Volvntas Optimæ Consentiens. Seu De Sequendo In
Omnibus Ductu Providentiæ Diviniæ**

Foullon, Jean E.

Leodii, 1657

XII. Caussa tranquillitatis.

[urn:nbn:de:hbz:466:1-54992](#)

54 BONA VOLUNTAS

nora plerumque, quia præmeditati non sumus, patientiam subito motu excutiunt. At Rex ille majoribus inconcussus, classium jacturam, provinciarum rebellionem, filiorum mores, & mortes, imper turbato vultu audire solitus, eamdem ad minuta contingentia, ut familiarium intimi notavere, ac narravare, tranquillitatem attulit. Manu sua literas ad Pontificem Maximum exararat: iis siccandis petitâ ab ephebo thecâ arenariâ, atramentarium accepit, & chartæ infudit. Ad hoc pallenti ac trementi ephebo, nîl quidquam, nisi, Fili profer aliud chartæ folium. Eadem ocrearum unam induenti, calcar, quod imprudens famulus in uno reliquerat, plantæ pedis incussum est. Vix se quantumvis compositæ mentis homo tenuisset, quin irasceretur. Rex ita se compescuit, ut citra vel minimum indignationis signum, id solum dixerit, Eximatur quod in ocreis latet.

XII.
Causa tranquillitatis. Qui ad eam animi pacem adspirat, sese assuefaciat intuendæ in obviis quibuscumque casibus Provi-

Providentiæ Divinæ , & cum Sapiente
 cap. 14. identidem iteret, *Tua, Pater,*
providentia gubernat, universa & singula,
magna & minuta, necessaria & fortuita.
 Cùm autem Deus omnia regat, benè
 regere necesse est, & benè regenti ac-
 quiescere oportet. Esto, quem tibi
 finxeras rerum tuarum alienarū in ve
 ordinem, subitis incursibus interturbetur :
 manet tamen, ac fluit imperturbatè,
 longè illo melior & optabilior ordo à
 suprema mente stabilitus. Ad illum ubi-
 que adspiciendum nos vocabat D. Tho-
 mas opusculo 62. *Mos Dei est, quod om-*
nia opera sua in summo benè fecit. Opera
 quippe cœli & terræ, Angelorum & homi-
 num, & aliarum creaturarum, adeò benè
 fecit, ut melius excogitari non possit. De-
 inde ad minutiora descendens : *Sive sit,*
inquit, ventus, sive pluvia ; sive aura cali-
da, sive frigida ; sive sicca sit via, sive ma-
dida ; sive fructus terræ abundet, sive pereat ;
pro illo tempore fieri melius non potest. Bre-
 viùs cuncta Augustinus complectitur li-
 bro 3. de libero arbitrio cap. 36. *Deus id*

C 4 • judica-

56 BONA VOLUNTAS
*judicavit esse pulcerrimum, ut esset quidquid
est, sicuti est. Quamvis enim in se pul-
cerrimum non foret neque optimum:
Deus tamen fecit pulcerrimum, ita judi-
cando; & optimum, ita volendo.*

SECTIO TERTIA.
Fundamentum bonæ voluntatis tertium
ac præcipuum:

Cura Dei de homine, præsertim bono.

I.
Dominus est De-
minus homi-
nus singula-
rator. R Egius Vates Psalmi octa-
vi, qui totus est de pe-
num singula- culari Dei erga hominem cura,
ritor. initium & finem fecit eodem
versu, *Domine Dominus noster, quām ad-*
mirabile est nomen tuum in universa terra.
In eo versu simul posuit & propositionem
& conclusionem cantandorum. Quid
paras de Deo dicere? Dicam esse do-
minum nostrum. At quid in ea re novi?
Nonne dominus universorum est? Pror-
sus. Ita tamen, ut singulariter sit homi-
num dominus. Ad experientiam te ap-
pello, & ipsam fidem tuam, si mihi fi-
dem